


O LE SULU SAMOA



EKALEZIA FAAPOTOPOTOGA KERISIANO SAMOA
O LE NUSIPEPA FAA-LE-LOTU NA FAAVAEINA I LE T.A. 1839



FAAVAEINA 1839

O LE SULU SAMOA

IANUARI 2020

email: sulusamoa@cccs.org.ws -Main Office: Ph. 24414, Ext 30 - website: www.cccs.org.ws

\$300,000.00 MO LE FAAMAI O LE MISELA



E \$300,000.00 le meaalofa tupe, sa faimeaalofa ai le tatou Ekalesia i le Malo o Samoa mo le Faamai (MISELA) pei ona aafia ai si o tatou atunuu.



FAASINO UPU

1.	FAASINO UPU	2		
2.	LAUGA	2	-	4
3.	LISI O E UA ULUFALE ATU I LE KOLISI FAAFAIFEAU I MALUA I LE 2020	5		
4.	FAILAUGA MO LE SULU SAMOA 2020	6		
5.	FETUUTUUNAI MUNIAO	7	-	8
6.	MEAALOFA MO LE MISELA	9	-	11
7.	ITULAU MO TUPULAGA	11	-	12
7.	TALA MO TAMAITI	12	-	13
8.	O E UA FAI I LAGILE FOLAUGA	14	-	16

1. NESORA ONESEMO
2. BENIAL HARIBANS KUMAR
3. NIUPAI GAUA'I TUILOMA NEUELI

O LE LAUGA

Matua: Mataio 3 : 15

“A ua tali atu Iesu, ua faapea atu ia te ia, Tuu mai nei pea ia, aua e faapea ona tatau ia te i tatou ona faataunuuina o mea tonu uma.”

Manatu Autu:

“PAPATISOGA O IESU”
(*Jesus baptism*)

O le valaauina lava ia o Ioane le Papatiso, o le tapena ma teuteu le ala mo le Alii o Iesu o le a afio mai. O ana matafaioi, o loo manino i lana talaiga, sa ia tuualaga ai e faapea: *“Ina salamo ia*

outou, auā ua latalata mai le malo o le lagi.” “O le leo o le ua alaga i le vao, Ina teuteu ia le ala o le Alii, ia faasasa’o ona ala.” **Ia faaali mai agasala, ia salamo, ma faailoa mai ni fua o le salamo, ia omai e papatisoina i latou.** “O a’u nei, ou te papatiso atu ia te outou i le vai, a o le mulimuli mai, e silisili o ia ia te au, e le aoga a’u ona tauave i ona seevae; O Iesu, o ia lea na te papatisoina atu ia te outou i le Agaga Paia ma le afi.

O lea la ua afio mai Iesu, mai Kalilaia i Ioritana ia Ioane, ia

papatisoina ai e ia. Ae faimai le molimau a Mataio, - “A ua vavao e Ioane ia te ia, ua faapea mai, E ao ona e papatisoina mai o a’u, a e maliu mai ea oe ia te au? A ua tali atu Iesu, ua faapea atu ia te ia, Tuu mai nei pea ia, aua e faapea ona tatau ia te i tatou ona faataunuuina o mea tonu uma.” - “auā e faapea ona tatau ia te i tatou ona faataunuuina o mea tonu uma.”

O le Papatisoina o Ioane e Iesu, o se tulaga e tele ni fesili e tulai mai ai: Auā, o le galuega a Ioane, o le valaau i tagata, ia salamo, ona faato’a papatiso ai lea?

(faaauau itulau 3)

O LE LAUGA

O le fesili: *E tatau ea ona salamo Iesu, ona papatiso ai lea o Ioane?* Afai, o lea e faimai Ioane e le agavaa o ia, ona tauave i seevae o Iesu, Afai e manatu Ioane o ia o se tagata faatauva, e le feagai ma le silisiliese o Iesu – *Aisea la e papatiso ai e Ioane ia Iesu?* Afai o le galuega Iesu, o ia na te papatisoina tagata i le Agaga Paia, ma le afi, - *Aisea e moomia ai e Iesu, le Papatisoga a Ioane, ua na'o se vai?*

O nisi ia o le mau fesili, e tuu fesili ai le tele o tagata, e faitauina le vaega lea o le Tusi Paia. Auā e le faigofie, ona faatusatusa Ioane le Papatiso, ia Iesu, o ia lava o le Atua ua liutino tagata. E foliga mai, o le mafuaaga lea na teena ai e Ioane lona papatinoina o Iesu. Peitai o le tali a Iesu ia Ioane- **“Ioane, e tatau ia i tatou ona faataunuuina o mea tonu uma.”**

E ese a mea tatou te mafaufau iai, ma mafaufau i ai tagata o le lalolagi, ese le faigofie o mea e fetalai iai Iesu. A'o ia foi mea faigofie e fetalai iai Iesu, e loloto lona uiga taua, ma lona feau faaleagaga mo i tatou. E vaai maua luga Ioane ia Iesu, tatou te vaai maua luga foi ia Iesu, ae faimai

Iesu – **“e tatau ia i tatou ona faataunuuina o mea tonu uma.”** - *O le isi la Fesili: O a mea tonu, e tatau ona faataunuuina?*

O le finagalo o Iesu, afai o le valaauina o Ioane mai le Atua, o ia o le Papatiso i tagata i le vai, faataunuu pea e Ioane lona tiute ma lona valaauina, e leai se mea o le a sui ai fua. Poo le tupu, poo le alii, poo se tagata maua luga ma taualoa, pe o se tagata lelei, pe leaga, - alu pea e papatiso e Ioane le papatiso, o ia o le tagata ua tofia e le Atua, e faia le galuega o le papatiso. – **“e tatau ia i tatou ona faataunuuina o mea tonu uma.”** O le mea tonu lena e tatau ona faataunuuina, lea e fetalai iai Iesu.

Na papatisoina lava e Ioane ia Iesu lo tatou Alii, o le alu ifo o Iesu e papatinoina e Ioane, o le faailoga o lona loto maua luga, o le faailoga o lona faalogo ma usitai i le Atua lona tama. O le faaavanoaina o le lagi, ma le iloa atu o le Agaga o le Atua ua afio ifo e peiseai se lupe ua oo i ona luga, ma le siufofoga mai le lagi, ua faapea mai, *“O lo'u atalii pele lena, ua ou fiafia lava ia te ia.”*

O le Atalii e faalogo ma usitai, ma loto maua luga e pei o Iesu, e fia fai atalii i ai le Atua, ma fiafia

iai le Atua. *“O lo'u atalii pele lena, ua ou fiafia lava ia te ia.”* O le tagata e faalogo ma usitai, ma loto maua luga, e pei o Iesu, e fia fai atalii i ai le Atua, ma fiafia iai le Atua. *“O lou atalii pele lena, ua ou fiafia lava ia te ia.”*

E iai tagata sa teena e Ioane i lana Papatisoga, silasila foi i le f.7 – 10. *“Ua na iloa atu le au faresaio ma le Au Satukaio e toatele ua omai i lana papatisoga, ona ia faapea atu ai lea ia te i latou, “Fanao a gata feai e, o ai ea a faaali atu ia te outou ia sosola ese i le toasa atali?”*

E teena tagata e le iloa salamo, e pei o le aualii ia faresaio ma Satukaio, latou ia faaigoaina e Ioane, o fanao a gata feai, tagata e aoai atu, ae sosola ese, a faatonu atu, ae o ese, tagata e le fia salamo, e le fia faalogo i le Atua, e le fia usitai i le Atua. O tagata ia e le tatau ona papatisoina, e le tatau ona faapaiaina, e le tatau ona faauuina, auā e le fia afio ai le Agaga o le Atua.

Faimai Ioane – Ia outou fua mai ni fua e tatau ma le salamo; aua foi ne'i outou manatu e faapea ifo i o outou loto, O Aperaamo, o ia o lo matou tamā; O loo tuu nei foi le matau i tafu'e o laau; o laau uma foi e le fua mai i fua lelei, e taia ma lafoaiina i le afi.” O le **“salamo faamaoni”** ona pau lea o le ala i le papatisoina, o le faauuina, ma le faapaiaina o le

O LE LAUGA

tagata i luma o le Atua, e leai a nisi auala e ui ai le tagata. E le faia i ni sootaga faale tagata (*ft. fanau a Aperaamo*), e leai.

O le ala lea, o le salamo faamaoni, o le loto maulalo e pei ona faia e Iesu, o le faalogo ma usitai, ona faaavanoaina o tatou loto, ma tatou iloa atu le Agaga o le Atua, ma le siufofoga mai le lagi, ua faapea mai, “*O lo’u atalii pele lena, ua ou fiafia lava ia te ia.*”

Le Ekalesia pele a le Atua, o feau taua foi ia o le Talalelei ua toe faamanatu mai mo tatou uma. **O le Papatisoga o Iesu**, o le laasaga muamua lava lea na amata ai le galuega faaola a Iesu i le lalolagi. Na amata i le tuualaga a Ioane i tagata ina ia salamo. E oo lava ia Iesu, na amata e Iesu lana galuega faaola, i lona loto mauualalo, ma lona fetalai – **“e tatau ia i tatou ona faataunuuina o mea tonu uma.”** Na ia amata i lona faalogo ma

usitai i le Finagalo Paia o le Atua lona Tamā. E lei manatu Iesu, o ia o le Alo o le Atua, ona tei ai fua lea ua fesui ai mea. E leai, **“e tatau ia i tatou ona faataunuuina o mea tonu uma.”**

O le a le Tali a le Atua? **“O lo’u atalii pele lena, ua ou fiafia lava ia te ia.”** E fiafia le Atua ia te oe, ma a’u pe a ta salamo, ma faalogo ma usiusitai, e fia fai atalii, ma fia fai afafine, ma fia fai fanau le Atua iai tatou.

Ae afai, e iai pea ni tagata e le ‘aulagona, ma lē fia salamō, ma lē fia faalogo, ma lē fia usitai, o latou tonu la na e faatatau iai upu ia a Ioane le Papatiso, “*Fanau a gata feau e, o ai ea na faaali atu ia te outou ia sosola ese i le toasa atali?*”

Ia manatua foi le gata lena na faaososoina Eva i le amataga. O le gata a lea, o foliga lava ia o le tiapolo. Ae ese la le mea lea ua

faimai ai Ioane ua talia gata ai e tagata Samoa le papatisoga o le tino ma le Agaga Paia, ona ua taufeai tele le tiapolo. O le ala lea ua sosola ese ai tagata mai le Talalelei a le Atua.

Peitai, e le feagai le taufeai o le tiapolo, ma le mana silisiliese o le Atua, o le mana lea a maua e le tagata ua salamo faamaoni i le agasala, e fua tele mai i fua lelei. A’o laau uma e le fua, ua fetalai Iesu – “O laau uma foi e le fua mai i fua lelei, e taia ma lafoaiina i le afi.”

Ia folau i lagima le sa o le EFKS i lenei tausaga fou 2020, ma ia manū faaifo mai lagi le faatautaiga a le Laulau a le fono tele, ma le Komiti a Tama o le Ekalesia.

ONA O IESU – AMENE

Saunia:

Tavita Kerisimasi Sala’a Fiti (FS)

EFKS Avao

Pulega Gaga’emauga

Matagaluega Ituotane



Jesus love's me! this I know

Jesus loves me this I know
For the Bible tells me so
Little ones to him belong
They are weak, but he is strong

Yes Jesus loves me!
Yes Jesus loves me!
Yes Jesus loves me!
The Bible tells me so

Jesus love me! He who died
Heaven's gate to open wide;
He will wash away my sin
Let Him little child come in

Jesus loves me! He will stay
Close beside me all the way;
Thou hast bled and died for me
I will henceforth live for Thee

LISI O E UA FAAMANUIAINA MO LE ULUFALE ATU I LE KOLISI FAAFAIFEAU I MALUA - 2020

SUAFA

1. Alexander Pelesala
2. Brian Anae
3. Elise Fuimaono
4. Esera Tufuga
5. Eucharist Faatau
6. Falefiaoalii Ulugia
7. Fialii Mafuolo
8. Filipi Leapai
9. Isaako Tunumoso
10. Laifaga Leulu Laifaga
11. Laupama Lefaoseu
12. Lotufaamanatu Masoe
13. Malaeloa Toleafoa
14. Maluapapa Niulesa
15. Matelili Tautalagia
16. Michael Poutasi
17. Nili Aloii
18. Periti Tauapai
19. Sailimalo Uamalau
20. Saleaula Reti
21. Semi Sititi
22. Shalom Pulu
23. Soloi Keilani
24. Solomona Tini
25. Sonny Satiu
26. Sulufaiga Samasoni
27. Taumaloto Salevao
28. Vaafuti Alauni

MATAGALUEGA

- Manukau
Aana
Aukilani
Kuiniselani
Faleata
Apia i Sasa'e
Faasaleleaga
Aana
Falealili-Safata-Siumu
Faasaleleaga
Apia i Sasa'e
Manukau
Malua
Apia
Falealili-Safata-Siumu
Apia i Sasa'e
Apia
Aana
Aukilani
Aana
Manukau
Malua
Vitoria
Apia i Sasa'e
Manukau
Apia
Lotofaga-Lepa-Aleipata
Niu Sila i Saute

Faafetai.



FAILAUGA MO LE SULU SAMOA 2020

	<u>MASINA</u>	<u>SUAFA</u>	<u>AULOTU</u>	<u>MATAGALUEGA</u>
1	IANUARI	Kirisimati Sala'a (FS)	AVAO	ITUOTANE
2	FEPUARI	Siaosi Mataia (FS)	VAILOA-TAI	FALEATA
3	MATI	Peletisara Lima (FS)	FAIRFIELD	NIUSAUELESE
4	APERILA	Tapuni Maulolo (FS)	TELEFAGA	APIA I SASAE
5	ME	Nove Vailaau (FS)	PORIRUA	NIU SILA I SAUTE
6	IUNI	Faasalafa Vitaoa (FS)	VAILIMA	APIA
7	IULAI	Saitumua Tafaofalii (FS)	UTAH	AMERIKA
8	AOKUSO	Luapene Nepo (FS)	AFEGA	MALUA
9	SETEMA	Nukulaelae Iati (FS)	SAMUSU	LOTOFAGA-LEPA- ALEIPATA
10	OKETOPA	Iakopo Pese (FS)	SALEILUA	FALEALILI-SAFATA- SIUMU
11	NOVEMA	Maaola Sesaroma (FS)	NEW LYNN	AUKILANI
12	TESEMA	Faamanuia Faaaliga (FS)	PAPA PULEIA	FAASALELEAGA

Fa'amolemole silasila ane i le fa'asologa o lo o fa'apipi'iina atu mo le masina ua atofaina mo lau susuga. Ia fa'ao'o mai lau lauga i le Ofisa o le Sulu Samoa poo le Ofisa o le Failautusi Aoao pe email mai i le sulusamoa@cccs.org.ws, ao toe lua vaiaso o lumanai ai le masina e te lauga ai.

Ma le faaaloalo lava.

Faafetai.

QUOTE:

Luke 6: 27

But to you who are listening I say: Love your enemies, do good to those who hate you.

Luka 6: 27

“A ou te fai atu ia te outou o e faalogo mai, Ia alofa atu i e o fai outou ma o latou fili, ia agalelei atu i e ita mai ia te outou.

“FETU’U TU’UNA’I MUNIAO”

FETU’UTU’UNAI MUNIAO.

, ...ta fia oti e sui ai oe Apisaloma lou atali’i e, lou atali’i e!” (Sulu Ianuari 2020)

A silasila i upu ia, e fa’alima ona tau e Tavita le upu lea... *‘Lou atalii e,...*’. Ae fa’atolu ona ia taua le igoa o Apisaloma. Aemaise o lana sa’afi... *‘Ta fia oti e sui ai oe...’* O le alaga ale tagata ua matua nutimomoia le loto, ao le tagi a le tagata ua o’o i ivi le tiga ole fa’anoanoa.

Talofa ia Tavita, o lea lava ua fa’asolosolo mai mea tiga, lea na tauto ai Natano, o lea fa’ao’o ele Atua i lona aiga, o le tau i lona agasala. (Manatua, uma ona mulilua ia Patisepa le ava a Uria, ae toe fafau le auala e fasioti ai Uria. Fai le isi agasala e tau ufiufi ai le isi agasala, ae leai se mea na lilo ile Atua.) Fai mai le Atua... *“Na e faia fa’alilolilo, ae ou te faia i luma o tagata...”*

Mea la ia na tutupu ile fanau a Tavita... 1. Fa’amalosi e Amanono lona

tuafafine o Tamara... 2. Fasioti e Apisaloma lona uso o Amanono...3. Fouvalega a Apisaloma ia fasiotia lona Tamā... 4. Lea ua fasiotia Apisaloma ile taua...

O upu ia na faitau, o lea ua maua le tala ua fasiotia Apisaloma le atali’i o Tavita, le tagata fouvale ma le fa’amauuluga. O le tala fai mai, ua taufao po’o ai a alu e ave lenei tala fiafia ile tupu, ile manatu ole fasiotia o Apisaloma ole talalelei lea mo Tavita ma le Malo, ua oti le fili. Peitai e lei fa’apena le loto o Tavita. O lana fesili muamua lava ile osovale a Aimaasu... *“O saogalemu ea le taulealea o Apisaloma?”* Na toe fesili foi ia Kusi... *“O saogalemu ea le taulealea o Apisaloma?”*

Oi a saogalemu ea? E le ole manulauti ea lea ole taua na fai nei, ia fasiotia Apisaloma le fili ole Malo? Sa tatau ona fiafia fa’atasi ma le nu’u o lea ua fasia le tagata sa tete’e ia te ia. Peitai, e leai, ua tiga le tupu i lona atali’i...

O lea le uiga o ia mea? E lua ni mea taua e fia aumai... 1. O le fa’anoanoa ole tupu, e mafua ona o lea ua ia iloa, ua toatolu lana fanau ua fasiotia, ma lona afafine ua fa’aleagaina, ole totogi o lana agasala. (Oti le pepe na fanau ia Patisepa... oti Amanono i lima o apisaloma... a’o lea foi ua oti tauga Apisaloma... ma lona afafine na fa’amalosi e lana ulumatua o Amanono)

O le ala mutimutivale lea ole loto ole tupu, ina ua aumai le tala ua fasia Apisaloma ile taua. Ua ia lagona o ia e toatasi e tataua ona tu’uaia, o lona losilososi ma lona tuinanau vale, ua manu’a ai ma malepe ai le lotoifale o lona Aiga. O lona uiga ua ia talia tiga ma puapuaga ua o’o mai i lona aiga, ona ole fa’atinoga ole amiotonu a le Atua.

(Ea e toafia ni tama ua tu’uai ile sauaina o fanau i totonu o Aiga ma Nu’u aemaise le Ekalesia. O nisi, o fanau moni lava na ifo mai le manava, Talofa e... Ae fiu e fa’amasino ae fa’afiti.)

E lei sa’i pe na tu’ufesili Tavita ile Atua, ae na ia talia ile loto maulalo, ae na tua i lana alaga...

faaauau itulau 8

“FETU’U TU’UNA’I MUNIAO”

“*Apisaloma e, ta fia oti e sui ai oe...*” 2. O le alofa fa’amagalo o matua i mea nei o fanau. E le fa’apea ua fa’aleaoga e Tavita le tautiga o Ioapo ma ana auaua. Leaga e tasi lava le fa’amoemoe ole taua lenei, o Apisaloma ia moe ile moe ele toe ala. Ma ole naunauga o Ioapo ma auaua ia malo ile taua ole fa’ailoga o lo latou tautua fa’amaoni ile tupu ma le Malo. Malo tau! Fa’afetai le tautua! Malo le loto Nu’u!

Peita’i ua ese le mea ua tulai mai, ua maua tala mai le maota, o lo’o fa’anoanoa le tupu ona o lona atali’i. Ona avea lea ole manumalo, ose mea fa’anoanoa mo le nu’u atoa. Fai mai ua o fa’agaoui ma le ma’asiasi le nu’u, peiseai ua sosola ina ua faiaina ile taua.

Aisea ua fa’apea ai? O le Alofa fa’amagalo ole matua e le uma. O le va’ai ale nu’u atoa, o Apisaloma ole fili. O le atali’i ua toe faifili ile tama. O le atali’i ua toe nofo ma u le lima na fafaga ai. Peitai e ui lava ina o’ona ia Tavita lenei mea, ae lei

liusuavai ai lona mautinoa, o Apisaloma ose vaega o lona tino, toto ma a’ano. O lona tofi ma i le Atua, e le ose fili a’o se mea’alofa mai le Atua.

“*Apisaloma e, lo’u atali’i, lo’u atali’i, ta fia oti e sui ai oe...*” O lea e iloa e Tavita, e tatau ona pau sao le samala ile ulu ole fao. O ia e tatau ona oti i lana agasala, a ua manua ma fasiotia isi tagata ona o ia.

E le ole mea ea lona na fai ele Atua, na manu’a na tigaina ma fasiotia lona alo pele, o Iesu Keriso le Ali’i Fa’aola, ona o a tatou agasala.

Le Paia ile Ekalesia ma le au faitau. A’o tatou iai ile amataga o la tatou malaga i lenei tausaga. E le fou lenei tala, ae ua toe a’oa’o mai mea nei... 1. O le tama/teine e fouvale, tete’e ma le usitai ma fa’amaualuga i matua pei o Apisaloma, e i’u vale lona ola ma tumu i puapuaga. Tulafono e 5... (“*Ia e ava i lou tama ma lou tina, e fa’alevaleva ai ou aso ile nu’u ole a foaina e le Ali’i lou Atua ia te oe*”)

2. Toe fa’amanatu mai matua, pe fa’apei le loloto ole Alofa, o lo’o fa’afoe ai le mafutaga i totonu o aiga. Leaga e iai le mea e taua ole alofa fa’avalea (spoil) e tu’ufau e leai se upu e ave iai, ae fa’avivi’i e o’o lava i mea valea... Aemaise ni matua ua le o toe malu ai fanau i aiga. 3. Va’ai le manu’a lona e tupu i totonu o lou aiga, pe le o oulua e mafua ai. Le femisa’ ai ma le le fealofani o fanau, ona ole alofa fa’apito. Le ola fa’amaualuga ma le ola le mata’u ile Atua, leaga o oulua le mafua’aga. E lei tu’ufesili Tavita po’o ai e mafua ai ae na popo lona fatafata ma aoi ile Atua, e fa’amagalo mai o ia le tagata agasala. 4. Ia amanaia ma fa’ataua le tautua o lo’o fai e nisi ma lo tatou lelei... 5. Ia tatou talia tiga ma puapuaga e o’o mai ona ole fa’atinoga ole Amiotonu ale Atua, i lo tatou ola...

Le Amiotonu na taualuga ma atoatoa ile Maluu ma le Toetu Manumalo o Iesu Keriso lo tatou Ali’i.

Keneti Leaupepetele. T. (F.S.)
Savaia & Tagamanu-Uta.



MEALOFA MO LE FAAMAI MISELA

LISI O MEALOFA MO LE FAAMAI MISELA

1. MATAGALUEGA APIA I SASA'E:

(i)	PULEGA VAIMAUGA SISIFO	-	\$10,000.00
(ii)	PULEGA VAIMAUGA SASA'E	-	\$ 6,215.00
(iii)	PULEGA ANOAMA'A	-	\$ 5,000.00
(iv)	PULEGA FAGALOA	-	\$ 5,000.00

2. MATAGALUEGA APIA:

(i)	PULEGA APIA SASA'E	-	\$ 5,500.00
(ii)	PULEGA APIA SISIFO	-	\$ 5,000.00
(iii)	PULEGA APIA SAUTE	-	\$ 5,000.00

3. MATAGALUEGA FALEATA:

(i)	PULEGA FALEATA SASA'E	-	\$ 5,000.00
(ii)	PULEGA FALEATA SISIFO	-	\$ 5,400.00

4. MATAGALUEGA MALUA:

(i)	PULEGA MALUA SASA'E	-	\$ 7,277.70
(ii)	PULEGA MALUA SISIFO	-	\$ 6,000.00

5. MATAGALUEGA A'ANA:

(i)	PULEGA LEFAGA	-	\$ 5,000.00
(ii)	PULEGA AIGAI LE TAI	-	\$ 5,000.00
(iii)	PULEGA ALOFI	-	\$ 5,500.00
(iv)	PULEGA FALELATAI & SAMATAU	-	\$ 5,000.00

6. MATAGALUEGA FALEALILI:

(i)	PULEGA FALEALILI	-	\$10,000.00
(ii)	PULEGA SAFATA & SIUMU	-	\$ 5,000.00

7. MATAGALUEGA ALEIPATA:

(i)	PULEGA ALEIPATA	-	\$ 6,000.00
(ii)	PULEGA LEPA, LOTOFAGA & ALEIPATA	-	\$ 7,000.00

8. MATAGALUEGA FAASALELEAGA:

(i)	PULEGA SALEGA	-	\$ 6,200.00
(ii)	PULEGA AMOA	-	\$ 5,000.00
(iii)	PULEGA PALAULI	-	\$ 5,000.00

faaauau itulau 10

MEALOFA MO LE FAAMAI MISELA

(iv) PULEGASAFOTULAFAI - \$ 7,000.00

9. MATAGALUEGAITU O TANE:

(i) PULEGAGAGA'EMAUGA - \$10,000.00

(ii) PULEGAGAGAIFOMAUGA - \$ 6,000.00

(iii) PULEGAITU ASAU - \$ 5,000.00

ATUNUU I FAFO (OVERSEAS):

10. MATAGALUEGAAUKILANI:

(i) PULEGA MAUGAKIEKIE - \$ 6,563.88

(ii) PULEGA WAITAKERE - \$ 6,563.88

(iii) PULEGA WAITEMATA - \$ 6,563.88

11. MATAGALUEGA MANUKAU:

(i) PULEGA MANUKAU I MATU - \$ 6,663.30

(ii) PULEGA MANUKAU ISISIFO - \$ 5,000.00

(iii) PULEGAA WAIKATO - \$ 5,440.00

(iv) PULEGA MANUKAU I SASA'E - \$ 9,730.93

12. MATAGALUEGA NIU SILA I SAUTE:

(i) PULEGA UELIGITONE I SAUTE - \$ 5,770.00

(ii) PULEGA MOTU I SAUTE - \$ 5,000.00

13. MATAGALUEGA KUINISELANI I SAUTE:

(i) PULEGA PURISIPENI I SAUTE - \$14,931.41

(ii) PULEGA LOGAN - \$ 5,000.00

14. MATAGALUEGA NIUSAUELESE I SISIFO:

(i) PULEGA SINI I SISIFO - \$ 5,015.00

(ii) PULEGA SINI TUTOTONU - \$ 5,015.00

(iii) PULEGA SINI SASA'E - \$ 5,015.00

15. MATAGALUEGA NIUSAUELESE:

(i) PULEGASINI MATU - \$10,000.00

16. MATAGALUEGA VITORIA:

(i) PULEGA MELEPONE TUTOTONU - \$10,000.00

(ii) PULEGA MELEPONE SAUTE - \$10,686.64

faaauau itulau 11

MEAALOFA MO LE FAAMAI MISELA

17. MATAGALUEGA HAWAII:

(i)	PULEGA I SISIFO	-	\$ 5,150.30
(ii)	PULEGA I SASA'E	-	\$ 5,031.20

18. MATAGALUEGA AMERIKA:

(i)	PULEGA TUTOTONU	-	\$ 6,632.26
(ii)	PULEGA I SAUTE	-	\$ 5,305.81
(iii)	PULEGA I MATU	-	\$ 5,305.81
(iv)	PULEGA SAN FRANCISCO	-	\$ 5,305.81
		=	<u>\$313,883.27</u>

Filipi 4: 17

E lē ina ua ou saili se meaalofo ā ou te saili le fua e atili ai ona tauleleia ai outou!! Ia faamanuia tele le Atua i le foai ua faia.

Faafetai Tele: Laulau ole Fono Tele
 Laulau Komiti Au Toeaina



A Page for Youth

ITULAU MO TUPULAGA TALAVOU

O le Uo Tatalo

*(O se tala mo tupulaga
talavou, ma tatou uma)*



O se taeao manaia ma le lagilelei i le setete o Niu Mekiseko. O loo o'u vevesi i le faamae'aiina o fe'au o totoe a o le'i taunuu atu Harieta. E le'i umi ae tatagi mai le logo o le faitoto'a, ona ou savali atu lea ua faafeiloa'i la'u uo. Ua matua ou

fiafia lava aua ua tele masina ma te le'i toe feiloa'i. Ona ma nonofo lea i le potu malolo ma inu a ma kofe, ma amata lau atu ai ia Harieta o'u faafitauli - e uiga i le olaga; faapea le malepelepe o le ma 'aiga ma lo'u to'alua.

Ona talanoa mai ai lea o Harieta, ma faamatala mai se tama'i tusi o loo faamatalaina ai i se gagana faigofie le Tala Lelei o tusia e Evagelia e fa. Na o lo'u faalogologo ma le le pisa. Na o le 15 minute na talanoa ai Harieta ae ou filifili, ou te talia Keriso e fai ma o'u Faaola. Na ou lagona ifo lava i lo'u loto suiga ua ou matua fiafia ai, ma pei ua ese lava lo'u tagata i

lea taimi.

Na vave lava ona matauina e lo'u to'alua suiga ua ou oo iai, o'u foliga ma o'u uiga atu ia te ia. Ua vaai mai i se fafine ua matua fiafia ma alofa ia ia ma le ma fanau e to'alua.

Ina ua mae'a isi talanoaga e lua ma le teine mai le a'oga a le lotu, ona faaali mai ai lea e lo'u to'alua lona fia avea fo'i o ia ma tagata o le Ekalesia, ma ia talia Iesu e avea ma ona Faaola. Fai mai lona to'alua, a o laitiiti lava o ia, sa a'oa'oina o ia i mataupu tau ia Keriso ma le salamo i agasala. I se isi a matou talosaga ma Harieta, na ia tuuina atu ai lona ola mo Keriso, ma ia folafola o le a taumafai e faalelei le ma 'aiga malepelepe.

Na faigata ia te a'u ona talitonuina le mea ua ma oo nei iai, pe a mafaufau atu i tausaga ia e fitu ua mavae ma matua

faaauau itulau 12

ITULAU MO TUPULAGA TALAVOU

O le Uo Tatalo

*(O se tala mo tupulaga
talavou, ma tatou uma)*



faavaatu'ia ai le ma faaipoipoga. O le ma faaipoipoga na fai i se tama'i falesa, ma e to'aititi lava ni tagata na iai, e foliga le fiafia ma le malilie pei e mumusu i le ma faaipoipoga. O le mafuaaga e le taumate, ona e na o le ta'i sefulu ma le valu o ma tausaga, ae o lea ua 'ou ma'i i le ma tama muamua, ae o lea faato'a ma faaipoipo.

Na amata nonofo lo ma 'aiga i se potu ma utotogi i tafatafa o le Iunivesite e a'oga ai lo'u to'alua. Sa ou galue o se lomitusi ia maua ai se tupe e faaagaga mo le fanau mai o le ma tama. E le'i umi ae ou fanau, ua faaopoopo mai ai nei isi avega mamafa o le tausiga o le pepe, ma le faigaluega e saili ai se tupe mo le 'aiga. Ua tasi nei lo ma faamoemoe, ia i'u mai i le Iunivesite, saili se galuega a lo'u to'alua, sa'ili ai lea o ni tupe se tele ma ma fiafia ai.

Ae fa masina mulimuli ane, o loo tumau pea lo ma faamoemoe, ae ma tete'a. Ua matua faigata le

olaga. Ua le tumau so ma fiafia i lo ma aiga faaipoipo, ma le isi faafitauli, o lea ua ou toe ma'i i le ma tama lona lua. Ona amata fuafua ai lea o le a tatala le ma faaipoipoga.

Peita'i, ua lata lava ina ou fanau, ae fai le ma filifiliga, toe tuu tasi lava se avanoa e toe faalelei ai lo ma aiga. Te'a tausaga e lua talu lea filifiliga, o loo tumau pea le faaletonu o lo ma aiga.

Ae taunuu atu loa Harieta muamua lea e faamatala i le amataga o le tala!

O ni nai masina talu ona ou talia Iesu i le salamo, e fai ma o'u Faaola, ae siitia lo ma aiga i Texas i sana galuega fou. Ua ma talitonu nei o le ma amataga fou lea. Na vave lava ona ma auai i sauniga a se aulotu lata ane. Ma te le'i manana'o lava e iloa e se isi faigata na ma ui mai ai. Ma te le'i toe fia tepa foi i tua.

Na fai se sauniga faafouina a le matou aulotu. Na auai mai nisi e toatele i Texas ma fai a latou molimau e uiga i le faamaoni o le Atua, ma lona faamaloloina o faaipoipoga ma faamoemoega malepelepe. Na lu'itauina ma'ua. Na ma iloa ai foi, e le na o ma'ua e iai faafitauli faaulugalii.

I le faaiuga o le sauniga faafouina, na fautuaina ai matou e matou te tatalo faaulugalii. E matou te ulufale atu i le malumalu, e

pogisa, ae na o le tasi lava le moli o ola, o loo faamalamalaina ai le satauro o tautau ifo i le mea e tutu ai le aufaipese. Leai lava se pisa poo se mea e pa'o i totonu o le malumalu.

A o matou tootuli ifo e tatalo, ae alu atu se tamaloa ua tootuli ifo i lo ma va ma lo'u to'alua, ma tuu ona lima i luga o o ma tau'au. Ma amata ona tatalo ma ta'u le tele o a ma mea lilo e le'i iloa lava e se isi - o le malepe o le ma 'aiga, o mea e masiasi ai i lo ma olaga, o a ma tamaiti, ma lo ma lumana'i. Na faai'u lana tatalo i le fautuina mai lea ia ma'ua e tuu uma a ma avega i le tafu'e o le satauro o Keriso, ma talitonu i le Atua i soo se mea. Na ia talosaga foi i le Agaga Pa'ia na te ta'ita'iina ma'ua, ma faatumuina ma'ua i lona alofa ina ia ma ola manumalo ai. E le galo ia te a'u lana folafolaga o le a lelei lo ma olaga atoa, ma faatumauina ia Keriso.

"E faapefea ona ia iloa nei mea e tele e uiga ia ma'ua? Ma te le'i ta'ua lava nei mea e tele i le sauniga faafouina!"

Na ma tutu i luga ma te faafetai i le tagata e uiga i lana tatalo mo ma'ua, ma le ma fia vaai iai poo ai ia. Ae leai se isi! Ua leai lava ma se tagata i totonu o le malumalu atoa! Ua tuufua!

I lenei tausaga, ua faamanatu le 35 tausaga o le ma ulugalii faaipoipo. Faamanatu ai ma le tagata na auai atu i le faafouina, ae ma te le iloa po ai.

tusia e Judy Hampton,
faamatalaina e
Afemata T. Apelu Aiavao (AF)



TALA MO TAMAITI E IAI FOI ISI VAA FAAOLA

O le fautuaga a le fomaini Suka i e gasegase i le mai Suka e tatau lava i tagata ua maua i lea gasegase ona feoai ma ave nai lole i a latou ato.

E i ai lona aoga auā e manaomia i se taimi e tatau ai o loo faigofie ona maua.

Sa iai se tinā e maua i le gasegase o le mai suka e fai faatoaga. Na malaga atu i le maketi e faatau faaeleeleaga o lana faatoaga ma si ana fanau e toalua.

(faaauau itulau 13)

TALA MO TAMAITI

ULUTALA: *Aua e te faalataina se manu feai i lou Aiga.*

Sa i ai se toeaina Aferika ma sona atalii e ono tausaga lona matua. Sa tafafao i le togavao i se tasi vaega o le vao matua i Aferika i Saute.

O lenei tafaoga na la maua ai se tama'i leona ua leai sona tinā, o loo faapupu'u i lalo o se tasi vai papa o le togavao.

O le manao o le tamā e fasi mate le manu ae peitai o le manao faatamaititi. Ia faasao le ola o le manu ma ia e fai ma ana uo.

Na tatala e le tamaititi lona ofu tino ma faapulupulu ai le manu. Ua ia sapaia i lona fatafata.

E tiga lava ona naunau atu le tamā i lona atalii e tia'i le manu ae ua le mafai lava. Ua atili ai le fusi mau, e le tamaititi o le manu i lona fatafata. Ua avea le alofa faaavalea o le tamā ma mea ua

manumalo ai lava le tamaititi i lenei finauga.

Ua tausī nei e le aiga le tamai leona, ua fafaga ua faataele, ua famoe lelei i le mafanafana o le vaovao mago i totonu o lona pusa lapoa.

Ua fai ma masani a le tamaititi le fafaga o le manu i lea aso ma lea aso.

Ua savalia nei le lima tausaga le mafutaga a le leona ma lenei tamaititi. E lei avea lenei lima tausaga o lenei mafutaga na taofia ai le natura o le manu ola feai. Na oo lava ina tagofia e le manu le lima alofa o le tamaititi lea e masani ona fafaga ai le manu.

Talofa e, ua mutu lona lima. O lona toe malosī lava na ia sola ese ai mai le pa na tuu ai lenei manu.

Tamaiti- E le o le mea ea lea na pulu naunau atu ai le tamā i lona atalii i le uluai taimi, auā ua iloa lelei e tamā le natura o le manu.

O le manu e feai pe a oo ina tele. E le avea lou taumafai e faalata ma mea e taofia ai le natura e masani ai.

O le fautuaga – aua e te faalataina se manu feai i totonu o lou aiga.

Ia manatua tamaiti. O Satani o le manu feai. O le fili o tamaiti, e te fiu lava e faalata, e faaleaga lava oe, auā o lona natura lea.

E suamalie ana faaosoosoga auā e faigofie ana auala a'o le iuga o le malaia.

'Aua le faalataina Satani i lou olaga. Ia manuia amataga o a'oa'oga i lenei tausaga.

Saunia: Vaalotu Nafai (FS)

Faifeau Penisione



TALA MO TAMAITI

E IAI FOI ISI VAA FAAOLA

Na taunuu lo latou ala i le maketi, ona o lea o tamaiti e faatau fua o le fatoaga, ae nofo le tinā i totonu o le latou taavale. Ua fai sina umi e lei foi mai lava tamaiti. Ua sau foi le fia taumafa o le tinā ae ua leai se lolo, ua leai foi se tupe.

Ua alu ifo lava le vaivai o le tinā. E lei umi lava ae tuitui mai loa e le taimaititi faatau niu le faamalama o le taavale o loo nofo ai le tinā mafatia i totonu. O le vaai atu o le tinā i le faalala mai o le niu e le tamaititi na nanati atu ai. E sui vave mai le niu, sei inu ai. O le tamaititi faatau niu, ua ia faia le galuega faaola na toe laveai mai ai le tinā ma toe maua ai le malosī.

O le faatau niu o le isi foi vaa faaola.

Na tau saili e soo o Iesu o se mea ai e fafaga ai le motu o tagata e lima afe. Na maua mai i le ato a si tamaititi na mulimuli i le motu o tagata i lona fia faalogologo i a'oa'oga a Iesu. Na tuu fesili ai pe i ai se tasi o le motu o tagata o i ai se mea ai. Na o le fetilofai o mata ae leai ma se leo. E leai se tasi na sauni i lea itu. Peitai o le tamaititi sa auai i lea mafutaga na maea tapena e lona tinā lana mea ai.

E lima areto ma ia e lua. O le taumafataga a le tamaititi mo le aso e tasi. O lea ua ofo atu e

ave ia Iesu, e fafaga ai le 5000 o tagata. Se manu lenei tamaititi ua laveaiina le fia taumamafa o lenei motu o tagata e toatele.

Ua faia e Iesu le vavega ma ua maona ae ua totoe ato e 12 i mea ai ua le uma ona faaoga.

O le tamaititi ma areto e lima ia e lua, o le isi foi lea vaa faaola laititi.

Tamaiti: O lenei tala puupuu, oloo aumai ai se a'oa'oga. O le faatauaina o Oe ma ou tiute tauave pe a faavae lou ola i le alofa ma le faamaoni. O lou alofa e te lima mafola ai.

Saunia: Vaalotu Nafai (FS)

Faifeau Penisione



O E UA FAI'ILAGI LE FOLAUGA



O le susuga i le A'oa'o Nofo Aiga, o le aulotu EFKS Malaemalu, Falealili. O le tele lava o le soifuaga o Nesora, o le aulotu EFKS Falevao. Lea sa **NESORA ONESEMO**

O le susuga i le A'oa'o Nofo Aiga, o le aulotu EFKS Malaemalu, Falealili. O le tele lava o le soifuaga o Nesora, o le aulotu EFKS Falevao. Lea sa galulue ai ona matua o Rev. Faatausau Onesemo ma Faiga.

Sa fa'avae so'u molimau Fa'aleagaga o Nesora Onesemo.

Filipi 4: 13

“Ou te mafaia mea uma lava.

‘Ona o Ia, ua faamalosi mai, ia te a’u.”

(I can do all things through him, who strengthens me)

O le tagata sa iai le meaalofa, o le taleni o le fai pese. O lea lava sa ia galue malosi ai, e le gata i le aufaipese a le EFKS Falevao, ae

faapena fo'i i le matou aufaipese EFKS Malaemalu.

Ma e ui lava 'ina a'oga i le Kolisi Fa'afaipeau i Malua 2006 – 2009 ae sa taumfai lava, e sema se avanoa, e a'o ai matou Pese mo le Fa'amanatuga, pe afai lea, e talafeagai, ma taimi uma o ana tu'uaga a'o i Malua.

E le gata i lea, a'o pese ma polokalame a le Pulega, mo le Kerisimasi, 'ae maise, o Pese mo le Tala Lelei ma le Faiga Me.

O Nesora, o se auauna lava e malosi tele lona finau, i soo se mea na te faia. Ma ia fai i le mea e gata ai, lona fai mea lelei. E le manao i se pese poo se tapenaga e faaletonu.

Ma e o le naunautaiga lava lea o Nesora. Ia matua tapena ma saunia lelei o Pese o le Lotu. Aua e le o se mea fo'i lea, e manatu mama iai se tasi.

O le tausaga 2014, na faaipoipo ai, ma le faletua ia Sa. E to'atasi si a la tama, o Nesorai. Sa taua tele ia Nesora, o lona valaauina. I le tausaga 2018, ina ua sauni mo le taotoga o lona 'aao. Pau a lana tala na fai mai ia te a'u. Afai e manuia le taotoga. O lona ola male malosi totoe, o le a taumafai lava, e faaoga pea mo le Atua.

Ma e, o'o mai lava, i le taimi o lona maliu. O loo faapena lava ona galue ma finau pea, lea auauna. E le mafai ona faavaivai. Ae tau savali mai lava i Vailele i Aso Toonai taitasi, pe a uma lana faamama. E fai aoga pese, i po o Aso Toonai. Auma le lotu taeao, toe fai a'ogā pese i le aoauli. Ao lei faia le lotu afiafi.

O le matou Aso Sa mulimuli. Na faateia ai matou, i le faaoo mai o lana saofaga atoa, mo le matou umusaga. O le matou hall fou. Ou fai atu i le matou Aulotu. Fua fa'aaliali lena o le tagata, e tiga ona feagai ma mafatiaga o le tino, ae sa le avea ma ala e ma'i pe solomuli ai, le ola faatuatua, poo le soifua galue o lea auauna.

Peiseai o se tagata, ua tau lagona i tino, ailoga o le a ia aulia atu, Le Aso 03 Ianuari, o la matou fa'amoemoe. O le faapaiaina o le Maota o le galuega. Ioe, o le tagata lava, ua nofo sauni, e alu malaga. Ma o lea na faatea mai ai loa, lana saofaga fa'ale-matafale.

Ia e pei foi ona le mafai e le lauga, ona pese. Ae, e mafai e le Pese ona lauga. Ou te faafetai tele lava, mo le soifua galue o lea auauna o Nesora. Ua peiseai lava, o se pese sa fatuina ma fa'anota lelei.

Ma e sa a'oa'o ma faasino mai, ia Malaemalu, ma Falevao. Faapea foi, i le Pulega a falealili. O se lauga, ina a logo lelei ma matagofie, ae maise o le maua ai, o se viiga o le Atua.

Sa faia ona Toe Sauniga i le matou Falesa i Malaemalu, i le Aso 27

O E UA FAI'ILAGI LE FOLAUGA

Nesora Onesemo

Tesema. I le Susuga ia Amosa Vaetoe (Failautusi Pulega Falealili) sa Ta'ita'i.

O le Susuga ia Letone Uili, sa molimoli maia le sa o le A'oa'o i totonu. O le Susuga ia Kelekolio Sanele, sa faitauina le Tusi Paia. O le Susuga ia Momo'e Gagaeolo, sa saunia Talosaga. O le Susuga ia Fuatai Simanu, sa saunia le Upu Faamafanafana. O le Susuga ia Alo Pita, sa fai ma sui

o le latou Vasega, e saunia se molimau.

Ona faaiua lea o ona toe sauniga i lona aiga i Vailele. Ma faatofa atu i le Pese Faamavae a le au uso. *'Talofa uso e, tofaina oe.'* Ia manuia lau malaga Geso. May you rest peacefully.

Saunia:

Faaletaua Faaea (FS)

EFKS Malaemalu, Falealili



BENIAL HARIBANS KUMAR

Soifua: 3 Fepuari 1956
Maliu: 4 Iuni 2019

Tama Matua:

Benial Haribans Kumar

FIJI

Aso Fanau 3 Fepuari 1956

Maliu aso 4 Iuni 2019

O ia o se alii Initia Fiti sa faaipoipo atu ia Faagase Heta Simati mai le nuu o Falevao. Sa galulue i laua o se aiga, lagolago malosi foi i le galuega Weymouth Niu Sila. O Benial Kumar e le faagaloina lana auaunaga ma lana sao i nisi o galuega tetele sa feagai ma le Ekalesia. Fausiaina o le matou Falesa i le 1989 – 1990. Sa ia ofoina lana fesoasoani i le

tuuina mai o le taualuga ma mea uma o loo ato ai le falesa faapea foi ma uamea malolosi o loo fau ai tino atoa ma le foloa.

E le faagaloina foi lana auaunaga lava lea na fesoasoani ai lana Kamupani i le faatauina mai o iviivi uamea ma vaega uma o loo faamalosi ai le tino ma le foloa o loo fauina ai le fale o tupulaga o le ekalesia i Mulinuu vaitaimi ao avea le Susuga Toeaina Atapana Alama ma Ta'ita'ifono o le Komiti o Tupe Ekalesia 1996.

Sa ia ofoina foi lana fesoasoani mo le faatauina atu o mea uma o loo fauina ai le Hall o le Lupe o le Soaga EFKS Magiagi. Ona o ia o se alii Initia Fiti ua fai aiga i se tinā Samoa, na pei ai lava lana auaunaga o se Kerisiano loto Samoa. Alofa moni i le Atua ma lana galuega ua misia o ia e la matou aulotu ae maise si ona toalu tinā ia Faagase ma si a la fanau e toa 4 ma le toatasi lona granddaughter, faafetai alii Benial

mo lau auaunaga auā e leai se mea ua pau i lana silafaga. Sa ou ta'ita'iina ona toe sauniga uma sa faia i lenei falesa, ona matou faatoafa atu ai lea ia te ia i le pese faatofa. *Talofa uso tofaina oe etc*, ona tuuina atu ai lea o lona tino maliu ua faaliu efuefuina [cremated] tusa ma tu ma aga a lona atunuu Initia.

Muliai i tu ma aga faaaloalo o aiga ma le tinā ma le fanau, aua le auaigaluega ma le mamalu o le Ekalesia sa au ai i lona toe aso. Auā na maualuga le viiga o le Atua ona o lenei auauna sa tautua leoleoa lava male loto fiafia, ona o ia ua alofa mai pea. Tofa alii Benial Kumar faafetai mo mea uma lava.

Saunia:

Siloa Lologa Iosua (FT)

EFKS Weymouth

Niu sila.



O E UA FAI'ILAGI LE FOLAUGA




Niuapai Gaua'i Tuiloma Neueli

Soifua: 14 Novema 1985
Maliu: 23 Fepuari 2019

Faletua Tiakono; Niuapai
Gaua'i Tuiloma Neueli
Saanapu.

Aso fanau 14 Novema 1958. Aso maliu 23 Fepuari 2019. Faaipoipo atu ia Gaugau Vaasiliena Neueli Faala, Sapapalii. E toa 5 le la fanau, toa 9 fanau a fanau. Se tasi o aiga galulue malosii i lenei galuega EFKS Weymouth NZ, Pulega Manukau Sasa'e.


Ulufale mai ma galulue 1984 seia oo mai 2019. O se tasi o tinā sa faamoemoe iai le galuega i le auaunaga faatinā, ma ua silafaga le



Nesora Onesemo

Atua i lona soifua tautua i aso na soifua ai o ia i lenei lalolagi. Ua misia o ia i lenei galuega, faapea foi si ona toalua ma le fanau. O lana masani e taumulimuli i mea uma e feagai ma le faifeau i le galuega, e vae ma lima itu uma o le galuega. O ia o se tinā molimau i ana galuega mo le Alii, faamalo faafetai Gaua'i e le faagaloina lau auaunaga ona o mai o le tino ua vave motusia ai le mafutaga. Ae mapu atu ia oe ma le fialia i lou Alii ua valaau mai le auauna lelei ma le faamaoni, ulufale mai ia i le fialia o lou Alii.

O ona toe sauniga sa faia lava i lenei aiga lotu ma matou faatofa atu ai ia te ia i lona oliolisaga tumau i Manukau Memorial Garden



BENIAL HARIBANS KUMAR

Cemetery. Ona mapu ane lea i le Hall Savali o le Filemu auā lava tu ma aga faatupu ua masani ai aiga i aso faapenei, auā pelega o le tinā, na maualuga ai le viiga o le Atua mafuta mai. Aue ua maliliu toa ua maumau ai aupega o le taua. Tofa manuia lau malaga.

Saunia:

**Siloa Lologa Iosua. (FT)
EFKS Weymouth
Niu Sila**



John 3: 16

“For God so loved the world, that He gave His only begotten Son, and whoever believes in Him will not perish but have everlasting life.”